



Samtök sveitarfélaga á höfuðborgarsvæðinu

**625. fundur stjórnar SSH
var haldinn í Hamraborg 9, mánudaginn 16. mars 2026
og hófst hann kl. 13:00.**

Fundinn sátu:

Heiða Björg Hilmsdóttir, Almar Guðmundsson, Ásdís Kristjánsdóttir, Ragnhildur Jónsdóttir, Regína Ásvaldsdóttir, Valdimar Víðisson, Þorbjörg Gísladóttir, Hildigunnur Hafsteinsdóttir lögfræðingur SSH og Páll Björgvin Guðmundsson framkvæmdastjóri SSH.

Fundargerð ritaði: Hildigunnur Hafsteinsdóttir, lögfræðingur SSH

Heiða Björg Hilmsdóttir formaður stjórnar setti fund og gengið var til dagskrár.

Dagskrá:

1. Álag í skólastarfi - ástæður og úrbætur - Sóknaðaráætlun 2025 - 2502015

Dr. Ingvar Sigurgeirsson og dr. Lilja M. Jónsdóttir kynna drög að skýrslu um "Álag í skólastarfi? Ástæður og úrbætur" sem var eitt af áhersluverkefnum sóknaráætlunar 2025.

Gestir

Hanna Borg Jónsdóttir verkefnastjóri farsældarráðs höfuðborgarsvæðisins

Dr. Lilja M. Jónsdóttir ráðgjafi

Dr. Ingvar Sigurgeirsson ráðgjafi

Niðurstaða:

Umræður. Skrifstofu SSH er falið að senda skýrsludrögin til Skólamálanefndar SSH til frekari umræðu og yfirferðar á mögulegum tillögum og aðgerðum á grundvelli þess sem þar kemur fram.

2. Gjaldfrjáls Strætó fyrir 12-17 ára ungmenni - 2602003

Fyrirliggjandi til kynningar og umræðu er bókun bæjarstjórnar Hafnarfjarðar frá fundi hennar 11. febrúar sl., sbr. og tölvupóst bæjarstjóra Hafnarfjarðar dags. 19. febrúar sl., þar sem tillögu um að endurgjaldslaust verði í Strætó fyrir öll hafnfirsk ungmenni til 18 ára aldurs er vísað til umræðu SSH.

Niðurstaða:

Lagt fram til kynningar. Umræður.

3. Höfuðborgargirðing - 1508001

Fyrirliggjandi til samþykktar eru drög að samningi um viðhald og eftirlit vörslugirðingar höfuðborgarsvæðisins og lagt er til að framkvæmdastjóra verði veitt umboð til undirritunar hans.

Niðurstaða:

Samþykkt



4. Samgöngusáttmálinn - Verkefni - 2003010

Fyrirliggjandi til kynningar og umræðu eru minnisblöð Birgis Björns Sigurjónssonar dags. 12. mars 2026 og Auðuns Guðjónssonar dags. 25. febrúar 2026 um fjárhagsskipan Betri samgangna ohf., þ.e. reikningsskilaaðferðir vegna framlaga sveitarfélaganna. Birgir Björn Sigurjónsson kynnir.

Gestir

Birgir Björn Sigurjónsson ráðgjafi

Niðurstaða:

Lagt fram til kynningar. Stjórn fellst á að fyrirliggjandi minnisblöð verði send fjármálastjórum aðildarsveitarfélaga og áfram unnið með þeim að því markmiði að sveitarfélögin samræmi reikningsskilaaðferðir sínar vegna framlaga til Betri samgangna ohf. til samræmis við fyrirliggjandi tillögur.

5. Umsagnir þingmála - 1910005

Frumvarp til sveitarstjórnarlaga er nú til umræðu á Alþingi en frestur til að senda inn umsögn um frumvarpið er til og með 20. mars nk. Drög að umsögn liggja fyrir og er gerð tillaga um að skrifstofu SSH verði falið að fullgera umsögn um frumvarpið til samræmis við umræður fundarins og senda stjórn til samþykktar milli funda.

Grænbók um byggðamál - umræðuskjal fyrir opið samtal, hefur þá verið lögð fram til umsagnar á Samráðsgátt stjórnvalda en umsagnarfrestur er til og með 16. mars 2026. Fyrirliggjandi til samþykktar eru drög að umsögn SSH um málið.

Niðurstaða:

Samþykkt

6. Sóknaráætlun - áhersluverkefni 2026 - 2511010

Samkvæmt fyrirliggjandi tölvupósti Byggðastofnunar dags. 3. mars 2026 voru áhersluverkefni SSH á árinu 2026 staðfest með lítilsháttar athugasemdum sem brugðist hefur verið við. Er farið fram á fullt umboð framkvæmdastjóra til áframhaldandi vinnslu umræddra verkefna og gerðar samninga sem að þeim lúta, s.s. við utanaðkomandi ráðgjafa.

Niðurstaða:

Samþykkt. Framkvæmdastjóra er falið að koma umræddum áhersluverkefnum af stað og ganga frá og undirrita samninga vegna þeirra eftir því sem við á.

7. SSH Tölvuöryggi og viðbragðsáætlanir - 2510008

Öryggis- og viðbragðsáætlun SSH er lögð fram til kynningar. Framkvæmdastjóri kynnir.

Niðurstaða:

Lagt fram til kynningar

8. SSH starfsfólk - 2006002



Samtök sveitarfélaga á höfuðborgarsvæðinu

Fyrirliggjandi er minnisblað framkvæmdastjóra dags. 12. mars 2026 þar sem er gerð tillga um að lögfræðingi SSH verði veittur aðgangur að reikningum SSH, til greiðslu reikninga og millifærsla, komi til slíkra forfalla framkvæmdastjóra að þess gerist þörf.

Jafnframt liggur fyrir minnisblað framkvæmdastjóra dags. 12. mars 2026 þar sem gerð er tillaga um ráðningu sumarstarfsmanns á skrifstofu SSH.

Niðurstaða:

Samþykkt

9. Foreldrahús - 2602002

Erindi Foreldrahúss var lagt fram til kynningar á 623. fundi stjórnar. Framangreint er nú til meðferðar samráðshóps SSH á sviði velferðarmála og verður tekið fyrir á næsta reglulega fundi hans.

Niðurstaða:

Lagt fram til kynningar

10. Útivistarvefur hbsv. -Sóknaráætlun 2023 - 2303007

Fyrirliggjandi til staðfestingar er viðauki við samning SSH og Markaðsstofu höfuðborgarsvæðisins um útivistarvef höfuðborgarsvæðisins, vegna rekstrar og umsýslu vefsins á árinu 2026 en hann er til samræmis við fjárhagsáætlun SSH 2026.

Niðurstaða:

Staðfest

11. Fyrirkomulag eftirlits með hollustuháttum o.fl. - 2311003

Fyrirliggjandi til staðfestingar er umsögn SSH um drög að frumvarpi til breytinga á ýmsum lögum vegna einföldunar regluverks og aukinnar skilvirkni eftirlits með hollustuháttum sem send var í samráðsgátt stjórnvalda 17. febrúar 2026, sbr. bókun 623. fundar.

Niðurstaða:

Staðfest

12. Samráðshópur á sviði velferðarmála - fundargerðir - 2202013

Fyrirliggjandi til kynningar er fundargerð samráðshóps á sviði velferðarmála dags. 7. janúar 2026.

Fyrirliggjandi til kynningar er fundargerð samráðshóps á sviði velferðarmála dags. 16. janúar 2026.

Fyrirliggjandi til kynningar er fundargerð samráðshóps á sviði velferðarmála dags. 4. febrúar 2026.

Niðurstaða:

Lagt fram til kynningar

13. SSH Skólamálanefnd - 2502006



Samtök sveitarfélaga á höfuðborgarsvæðinu

Fyrirliggjandi til kynningar er fundargerð Skólamálanefndar SSH dags. 29. janúar 2026.

Fyrirliggjandi til kynningar er fundargerð Skólamálanefndar SSH dags. 12. febrúar 2026.

Niðurstaða:

Lagt fram til kynningar

14. Skíðasvæðin -Rekstur - 2205009

Fyrirliggjandi til kynningar er fundargerð 434. fundar samstarfsnefndar Skíðasvæða höfuðborgarsvæðisins dags. 18. febrúar 2026 ásamt fylgiskjali.

Niðurstaða:

Lagt fram til kynningar

Fleira ekki gert. Fundi slitið kl. 15:00.